

միմյանց ձեռքերից բռնած, քաղօրը նրանց գլխին պիտի պահեր մեկ ձեռքով խաչն ու Ավետարանը, մյուսով՝ թուրը պատյանից չբաժանված: Վերջինս պիտի պահպաներ և շար ոգիների մերձենալուց: Կարգի ժամանակ քաղօրի ու քաֆուռու ձեռներին կամ պարանոցներին կապում էին կանաչ-կարմիր՝ նարոսը:

Եկեղեցուց հրահանվելը շարժվում էր դեպի աղջկա տունը: Այս սովորությունը բնորոշ է Զանգեզուրի համար, մինչդեռ այլ հայաբնակ գավառներում եկեղեցուց ուղղակի դիմում են տղայի տունը: Սա մի մնացորդ է մայրիշխանության ժամանակներից, երբ տղան դառնում էր կնոջ ընտանիքի անդամ:

Վերադառնում էին ոչ այն ճանապարհով, որով եկել էին, այլ անպատճառ ուրիշ ճանապարհով, սակայն կրկին միշտ մրկրոններով շրջապատված: Այս աղաթը տարածված էր և այլ վայրերում՝ թե՛ հայերի և թե՛ կովկասյան այլ ժողովուրդների մեջ, ինչպես և ավելի հեռավոր երկրներում<sup>44</sup>: Նա պիտի բացատրվի այն նախնական մտայնություններ, թե նորապսակներին ամեն տեղ վտանգ է սպառնում շար ոգիներից, որոնք անշուշտ հավաքված կլինեն առաջին անգամ անցած ճանապարհին և վերադարձողներին այնտեղ սպասելիս:

Բարեկամ տների առջևից անցնելիս այդ տներից քիֆա՞՛ բաժին էր դուրս բերվում—օղի, գինի, ձվածեղ, եղ ու մեղր և հրամցվում նախ և առաջ նորապսակներին և ապա բոլոր հարսնեկներին: Սա նշան էր այն բանի, որ բարեկամներն էլ ընդունում են այդ նոր զույգը իրենց տոհմի կազմի մեջ և ուրախությունը ոչ թե մեկ օջախի ուրախություն է, այլ ամբողջ ասկի: Նույնն էր ապացուցվում այն բանով, որ հարսի տնից հացկերույթից հետո ցրվելով, բարեկամ հարսնեկները հաճախ հավաքվում էին իրենցից մեկի մոտ և այնտեղ քեֆը շարունակում:

Աղջկա հոր տանը նորահարսը գնում էր կրկին փառալույսի ետևը, իսկ տղամարդկանց համար մատուցվում էր առատ սեղան, որին շատ անգամ սպասավորում էր սաղիների հետ և ինքը նորափեսան: Տղայի ծնողները ներկա չէին լինում: Նույն թամազան, նույն կենացները: Հյուրերի ցրվելուց հետո սեղան էին նստում առանձին-առանձին նորափեսան իր սաղիների հետ, նորահարսը իր ընկերուհիների հետ. հրավիրյալ կանայքն էլ առանձին. մինչդեռ մրկրոնները դուրսը գունձա-ղավալով պարում, երգում, գոտեմարտում էին: Հացից հետո, երբ մնում էին միայն մոտիկ բարեկամներն ու մրկրոնները, ցույց էին տալիս պէժիմքը, պսժիմքը: Թմբկահարը իրենք մեկ-մեկ վերցնելով բարձրաձայն հայտարարում էր.

«Թափօր, քափօրի մրկրոնէր, աստու հրամանր՝ ձեզ հրաման. խնամին քափօրի-քափուռու սէրին՝ սիրուն տվալ այս ինչը վերմակ, զաւրան, բարձ և այլն»:

Սրանով կարծես հրապարակորեն ստուգվում էր, թե արդյո՞ք խնամին կատարել էր իր նախօրոք տված խոսքը, միաժամանակ վավերացվում էր թե աղջիկն ի՞նչ է տանում իր հետ իբրև անբաժան սեփականություն: Մի քանի գլուղներում<sup>45</sup> այդ ստուգումը կատարվում էր ոչ թե աղջկա, այլ տղայի տանը:

Ուշ գիշեր մրկրոններն էլ էին ցրվում: Մնում էին թագավորի հետ կրկին

<sup>44</sup> Տե՛ս Կурсын Г. Ф., նշված աշխ., էջ 239 и Лалаян Е., Ванский вилайет, СМОМПК, вып. XLIV, отд. II, էջ 42:

<sup>45</sup> Գորիսի շրջան: